



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

2366 5

«Արշակ»-ի խմբագրություն

331.81  
9-57

№ Գրադարան «Ա և ան դ»-ի № 4

Բ. ԶԻՅՅԵԼ

Հ.Ա.Խ.Հ. ՀԱՆՐԱՅԻՆ ԳՐԱԴԱՐԱՆ  
Публичная Библиотека  
7/31-1922  
ИМЕНА. Мясникова  
\*Ա. ՄՅԱՍՆԻՅԱՆԻ ԱՆՎԱՆ\*

ՆՕՐՄԱԼ

ԲԱՆՈՒՈՐԱԿԱՆ ՕՐ

Ուսանելից թարգ.  
Մելք. Նույեան

ԳՐՆԻ Ի Ծ ԿՈՊ.

Թ Ի Յ Լ Ի Ս

Եկե՛հաւա՛րձ սպարան «ՀՆՐԱՐԷՍ» ԸՆԿ. Մաղաթեան փող. № 5.

1906

( 159 )

2-57 ա  
300

1255-25

Բ. ՋԵՑԻԷԼ

ՆՕՐՄԱԼ ԲԱՆՈՒՈՐԱԿԱՆ ՕՐ

1. Թէ ԻՆՉՊԷՍ ՈՒԹԺՄՄԵԱՅ ԲԱՆՈՒՈՐԱԿԱՆ ՕՐԸ  
ԺՈՂՈՂԻԴԱԿԱՆ ՊԱՀԱՆՁ ԴՍՐՁՄԻ:

1889 թ. Ֆրանսիան հանդիսաւոր կերպով տօնեց իր Մեծ-Յեղափոխութեան հարիւրամեակը:

Սակայն մենակ Ֆրանսիական ժողովուրդը չը տօնեց՝ ստրկութիւնից ազատուելու իր յօրելեանը. ամբողջ աշխարհի ազատախոհները տօնեցին նրա հետ ժողովրդները այդ գարունը, որ երբեմն խանդավառութեամբ ողջունել էին Կանտն ու Կեօթէն և նրա հետ միասին գերմանական գրականութեան ու գիտութեան կոթողները:

Համախարհային Պարիզ քաղաքում, այդ տօնի առթիւ երկրագնդի բոլոր ժողովրդների աշխատանքի արդիւնքների ցուցահանդէս սարքուեց, որպիսին մինչ այդ չէր տեսել աշխարհը: Այդ ցուցահանդիսի ժամանակ՝ միջազգային շատ համաժողովներ տեղի ունեցան, — համաժողովներ զործարանատէրերի, վաճառականների, գիւղատնտեսների, բժիշկների, ուսուցիչների և այլն:

Նոյնպէս և հարստութիւններ արտագրողները — բանուորները — յուլիսի 14-ից մինչև 21-ը հաւաքուեցին Պարիզի միջազգային սօցիալիստական համաժողովին, ուր, ի միջի այլոց, քննուած էին միջազգային՝ զործարանական օրէնսդրութեան հարցերը:

Իսան քաղաքակիրթ ազգերի կողմից ներկայացած՝ պրօլետարիատի չորս հարիւր ներկայացուցիչներ մասնակցեցին այդ համաժողովին ու հետեւեալ վճիռը կայացրին՝

Ի.Է.

1001  
11689  
11691

Բոլոր երկրների բանուորները 1890 թ. մայիսի 1-ին պիտի ե միտեայ ցոյց կատարեն, եւ ամենուրեք պահանջ պիտի դնեն կառավարող իշխանութիւններին՝ օրէնսդրական նաւապարհով բանուորական օրուայ տեւողութիւնը ուր ժամով սահմանափակել:

Յոյցի ձևի ընտրութիւնը թողնուեց իւրաքանչիւր երկրի հայեցողութեան:

Մայիսի 1-ը ցոյցի օր նշանակուեց այն պատճառով, որ 1888 թ. ամերիկական բանուորական միութեան Ս. Լուիի համաժողովը արդէն այդ օրը ցոյցի օր էր ընտրել՝ յօգուտ ութժամեայ բանուորական աշխատանքի:

Այսպէս էր Պարիզի 1889 թ. միջազգային սօցիալիստական բանուորական համաժողովի վճիռը: Այդ որոշման իրագործումը 1890 թուականին, ինչպէս և յաջորդ տարիներում, ալեկոծեց ամբողջ աշխարհը ու իշխող դասակարգերին երկիւղ պատճառեց. 1890 թուականից սկսած՝ այդ որոշման զօրութեամբ միլիօնաւոր բանուորներ ու բանուորուհիներ ամեն տարի կազմում էին ժողովներ, հանդիսաւոր ցոյցեր, ուշադրութիւն չը դարձնելով սպառնող քաղցի, սատիկանութեան ու բանտի վրայ:

Ութժամեայ բանուորական օրը դարձաւ ժողովրդական ցանկութիւն, իսկ ժողովրդի կամքին ո՛չ մի բան երկար չէ կարող գիմադրել:

2. ԲԱՆՈՒՈՐՆԵՐԻՆ ՉՐՊԱՐՏԵԼԸ: ԸՆԴՀԱՆՈՒՐ ԳՈՐԾԱԴՈՒՅԸ:

Այդ վճուից երևում է, որ նրա մէջ խօսք չը կայ՝  
1. Այսպէս անուանած «կապոյտ երկուշաբթի»-ի (Blauer Montag) մասին, որը կապուած է արեւցողութեան, թղթախաղի և թակումահակի հետ:

2. Ընդհանուր գործադուլի մասին:

3. Տօնի մասին:

Ամբողջ աշխարհի մաքառող բանուոր դասակարգը թշնամի է խայտառակ «կապոյտ երկուշաբթի»-ին, ինչպէս և անկանոն բանուորաժամին, որը ամենուրեք իշխում է այնտեղ, ուր «կապոյտ երկուշաբթին» սովորութիւն է համարուած:

Մաքառող պրօլետարիատի ցանկութիւնը հէնց այն է, որ կանոնաւորէ բանուորական օրուայ տեւողութիւնը: Ամեն տեղ, ուր հանդէս էր գալիս բանուորական շարժումը, անհետանում էր «կապոյտ երկուշաբթին», սակայն, միևնոյն ժամանակ, կրճատում էր նաև ըթացնող 14—18 ժամեայ բանուորական ժամանակը:

Կազմակերպուած բանուորները շրջանում «երկուշաբթիութիւն անողներին» դասակարգը գրեթէ մեռել է: Բանուորական շարժման հակառակորդները մինչև անգամ յաճախ յայտարարել են, որ սօցիալ-դեմօկրատները սովորաբար ամենաժանրաբարոյ և ամենարնգունակ աշխատաւորներն են հանդիսանում: Եւ մենք իբաւուեք ունենք արդարացի հպարտութեամբ ասել՝ որ սօցիալիստական բանուորական շարժումը բարձրացրել է մասսաների բարոյական մակերեւոյթը և մինչև իսկ տիրող դասակարգերին փոխել է դէպի լաւը:

Ուրեմն, ամբողջ աշխարհի մաքառող պրօլետարիատին զրպարտում էին, ինչպէս առաջ էլ յաճախ անում էին, — երբ պնդում էին, իբր թէ նրանք վճուել են, այսպէս ասուած «կապոյտ երկուշաբթիները» սարքել:

Մենք կամենում ենք ոչնչացնել «կապոյտ երկուշաբթին»: Այն, բայց մենք կամենում ենք ոչնչացնել նաև գիշերային ու կիրակնօրեայ կործանիչ աշխատանքը, կանանց վատառողջ աշխատանքը, երեխաների սպանիչ աշխատանքը և արժատահան անել ուրիշի աշխատանքի պտուղները վատնողների յաւիտենական «կապոյտ երկուշաբթին»:

Թող կորչէ բաժնետէրերի, երկաթուղային, բանկային ու փողային տուգների «կապոյտ երկուշարթին»: Թող կորչի ոչ-աշխատանքով վաստակած հատոյթը:

Զրպարտութիւնն ու բթամտութիւնը յետոյ պընդում են, որ միջագային համաժողովը մայիսի 1-ը նշանակել է բանուորական ընդհանուր գործադուլի սկիզբ:

Այդ ճիշտ չէ:

Մենք շատ լաւ գիտենք, որ միջադային գործադուլը անհնար է հէնց այն պատճառով, որ բոլոր բանուորները կազմակերպուած լինելուց դեռ շատ հեռու են: Մենք շատ լաւ գիտենք, որ համաշխարհային գործադուլը անիրագործելի է այն պատճառով, որ կազմակերպուած բանուորների այդ աննշան թիւն էլ,—աննշան՝ բոլոր բանուորական դասի վերաբերմամբ,—իր տրամադրութեան տակ չունի լի գրամարկզներ, որպէս զի աւելի երկար ժամանակ իրեն պահելու հնարաւորութիւն ունենայ: Վերջապէս, մենք հաստատ գիտենք, որ համաշխարհային գործադուլը անհեթեթութիւն է, որովհետեւ, կազմակերպելու և նպատակայարմար մարտաման ճանապարհով առաւել հեշտ է այդ նպատակին հասնել:

Բանուոր ժողովրդի տանջանքների դէմ ամենաապահով միջոցը պէտք է համարել ոչ թէ ընդհանուր գործադուլը, այլ ընդհանուր կազմակերպումը:

Սկսած այն վայրկեանից, երբ իւրաքանչիւր երկրի բոլոր բանուորները ըստ ազգութեան կը կազմակերպուեն, և այն վայրկեանից, երբ բոլոր ազգային (նացիօնալ) կազմակերպութիւնները կը ձուլուեն միջազգային մի միութեան մէջ, այդ վայրկեանից ամեն մի գործադուլ աւելորդ կը լինի:

Կազմակերպուած բանուոր դասակարգը օրէնքներ կարող է թելադրել զրամատէրերին. նա կարող է առանց արիւնհեղութեան կերպարանափոխել հասարակութիւնը՝ սօցիալիստական իդէերի համաձայն:

Այդ իսկ պատճառով այսօր հնչում է նրա կոչը՝ «Բանուորներ ու բանուորուհիներ, կազմակերպուեցէ՛ք. կազմակերպուելը միայն կարող է ազատել ձեզ: Ձեր կազմակերպուելը՝ միաժամանակ նշանակում է նաև խաղաղ զարգացում և սօցիալիստական հասարակութեան ստեղծագործումը»:

### 3. ՀՍՄԱՇԽԱՐՀԱՅԻՆ ԲԱՆՈՒՈՐԱԿԱՆ ՏՕՆ:

Ընդհանուր բանուորական տօնի գաղափարը անմիջապէս համաժողովի վճուից չէ բղխում, սակայն նա կարճ միջոցից յետոյ անգուսպ ոյժով երևան է գալիս պրօլետարիատի շարքերում և անփոփոխ ապրում է նրա մէջ մինչև այժմ:

Դա՛ արդար, լաւ և մեծ գաղափար է:

Արդարութիւն է, որ ամբողջ աշխարհի բանուորները ունենան իրենց տօնը, ուր նրանք որոտընդոստ ձայնով պահանջէին իրենց իրաւունքը և իրենց ազատութիւնը:

Ներկայումս քիչ են արդեօք այնպիսի մարդիկ, որոնք աշխատում են քիչ, բայց և այնպէս՝ ամեն տարի մի քանի ամիս տօն են ունենում: Եւ միթէ չը կան այնպիսիները, որոնք հասարակաօգուտ աշխատանքով երբէք չեն զբաղում, և որոնց համար, այնուամենայնիւ, տարին տասն և երկու ամիս տօն է:

Իրաւ, միթէ պարտաւոր է բանուորը շարունակ կաշկանդուած մնալ: Միթէ հէնց նա մենակ իրաւունք չունի դէթ մի օր տօնել իր սեպհական հայեցողութեամբ:

Ո՛վ աշխատում է, միայն նա իրաւունք ունի տօն կատարել: Դատարկապորտը այդ իրաւունքը չունի, զուարճանողների շրջանից պէտք է վճուել նրան: Ու-

քիչ դասակարգերը ունեն իրենց առանձին տօները, և մենք էլ կամենում ենք ունենալ մեր տօնը:

Իսկ բոլոր մարդկանց հաւասարութեան և եղբայրութեան գաղափարը հանդիսանում է արդարութեան ու խաղաղութեան գրաւականը:

Համաշխարհային տօնի գաղափարը լաւ գաղափար է նաև այն պատճառով, որ նա արթնացնում է խաւար մասսանները. նա բանուոր ժողովրդին գիտակից է դարձնում իր նշանակութեան ու ոյժին և ուսուցանում է նրան՝ երկրագնդի բոլոր մարդկանց հաւասարութեան և եղբայրութեան գաղափարը:

Համաշխարհային բանուորական տօնի գաղափարը, վերջապէս, մեծ ու վսեմ գաղափար է: Խոստովանել, որ միլլիօնաւոր սրտեր բարախում են միաժամանակ՝ աշխատանքի ազատագրութեան համար, խոստովանել, որ միլլիօնաւոր ձայներ հնչում են միևնոյն ժամին՝ աշխատանքի արդար իրաւունքի համար, — այդ վէհ ու բարձր գաղափար է:

Հրէաների ազատագրութեան առաջին մեծ գործը՝ շաբաթ օրը տօն պահելն էր. պրօլետարների ազատագրութեան առաջին մեծ գործը պիտի լինէր՝ պրօլետարական համաշխարհային շաբաթը (суббота): Եկեղեցին իր հաւատացեալներին աղօթքի է հրաւիրում կիրակի առաւօտեան, երբ սիրտն ու միտքը թարմ են ու դիւրըմբռնող. կազմակերպուած բանուորները ևս պէտք է առաւօտեան հրաւիրուեն՝ իրենց տօնը տօնելու:

Համաշխարհային՝ իրենց տօնի առաւօտեան արդէն՝ բանուորները պէտք է հաւաքուեն և բարցրացնեն իրենց թարմ ու հուժկու ձայնը՝ ազատութեան, հաւասարութեան և եղբայրութեան համար, ընդդէմ շահագործութեան, անարդարութեան ու բռնակալութեան:

#### 4. ԱՌԱՋԻՆ ԱՆԳԱՄ Ո՞Վ Է ՊԱՀԱՆՁԵՆ, ՈՒԹԺԱՄՄԵԱՅ ԲԱՆՈՒՈՐԱԿԱՆ ՕՐԸ:

Սկսած 1890 թուականից՝ կազմակերպուած բանուորները բարձրաձայն և ստիպողաբար պահանջում էին ութժամեայ բանուորական օր: Բայց այդ պահանջը ցնորք յատարարուեց և նշանակուեց իբրև ժողովրդի բարօրութեան քայքայում: Այսպիսի պահանջ անողները համարուած էին յիմարներ ու չարագործներ: Սակայն, ստոյգ է, որ այդ պահանջը առաջին անգամ բանուորները չեն գրել, այլ պետական անձինք, մտածողներ, մանկավարժներ, բժիշկներ և գրողներ:

Անգլիական պետական կանցլէր՝ հոչակաւոր գիտնական Թովմաս Մօրուը 1516 թ. իր «Ուտօպիա» գրքի մէջ գրում է.

«Ուտօպիայի բնակիչները օրուայ ժամանակը բաժանում են 24 հաւասար ժամերի: Վեց ժամը գործադրում է նիւթական աշխատանքի վրայ: Ստորաբաժանուժը հետևեալն է. երեք ժամ աշխատանք մինչև ձաշը, յետոյ ձաշ: Ծաշից յետոյ երկու ժամ հանգիստ, ապա երեք ժամ աշխատանք, որից յետոյ ընթրում են:»

Այսպիսով Թովմաս Մօրուը իր գաղափարական պետութեան համար որոշել էր վեց ժամեայ բանուորական օր: Հարկւր տարի անց՝ դոմինիկեան հոչակաւոր վանական Գամպանէլլան Նէպօլի բանտում գըրում է իր «Արեգակի պետութիւնը»: Այդ օրինակելի պետութեան մէջ «հասարակական պաշտօնավարութիւնները, գեղարուեստները, արհեստները և այլ աշխատանքները՝ բոլոր մարդկանց մէջ բաժանուած են այն ձևով, որ իւրաքանչիւրին հազիւ 4 ժամ աշխատանք է ընկնում»:

Եւ այսպէս ուրեմն, «Արեգակի պետութեան» մէջ գոյութիւն ունի շորսժամանայ բանուորական օր:

Մեր հակառակորդները հակաճառում են. մենք

այստեղ գործ ունենք ցնորքները հետ, որոնց ստեղծագործողները չեն էլ մտածել կեանքի մէջ մտցնել նրանց:

Այդ հակաճառութիւնը անհիմն է. եթէ նա հիմնաւոր էլ լինէր, այնուամենայնիւ, պէտք է կորցնէ իր նշանակութիւնը, ի նկատի ունենալով հետեւեալ նըշանաւոր անձանց, ծանուցումներն, որոնք ութժամեայ բանուորական օրը համարում են կանոնաւոր կեանքի և սօցիալական քաղաքականութեան պահանջ:

Կոմէնիոսը, նորագոյն մանկավարժութեան հիմնադիրը, իր հռչակաւոր «ուսմունք դաստանդութեան» (1632) գրքի մէջ կանոն է դնում, որ 8 ժամ պէտք է նուիրել՝ քնելու, 8 ժամ՝ ուտելու, հանգստութեան, մարմնի վրայ խնամք տանելու և հասարակութեան, 8 ժամ գործի: Դա օրուայ բնական բաժանումն է:

Ֆրանսիացի հռչակաւոր Հէլվէցիւսը (+ 1771) չափազանց մեծ հարստութեան կոտորածն առաջն առնելու համար խորհուրդ է տալիս՝ թոյլ տալ միայն եօթ-ութժամեայ աշխատանք. իսկ պրոեսական թագաւորի պալատական բժիշկ՝ ոչ պակաս համբաւաւոր Հիւֆէլանդը (+ 1836 թ.) Կանտի «Մտքի կրթողի մասին» գրքին արած մէկ նկատողութեան մէջ ասում է հետեւեալը. «Օրուայ ամենաբնական բաժանումն այս է — 8 ժամ նուիրել աշխատանքի, 8 ժամ հանգստութեան և 8 ժամ սննդի, մարմնամարդութեան, հասարակական գործերի և զուարճութեան»: Հենրիխ Յուշօկէի «Ոսկի շինողների զիւղ» երկասիրութեան մէջ, ուր ամենքը աշխատում են մէկի համար և մէկը ամենքի համար, ամենաչքաւոր մարդկանց բանուորածամը սահմանափակուած է ութ ժամով:

Ութժամեայ բանուորական օրուայ պահանջը, այսպէս ուրեմն, գոյութիւն ունի արդէն հարիւրաւոր տարիներ և նրա մարդարէնները ամենքն էլ այնպիսի մարդիկ են, որոնք աստղերի պէս փայլում են քաղաքակրթութեան երկնակամարի վրայ:

Բանուոր ժողովուրդը պիտի պարծենայ նրանով, որ իրեն վիճակուել է մաքառելու այդպիսի նախնիքների թողած ժառանգութեան համար:

### 5. ՈՒԹԺԱՄԵԱՅ ԲԱՆՈՒՐԱԿԱՆ ՕՐԸ ՑՆՈՐԳ ՉԷ:

Ութժամեայ բանուորական օրը ցնորք չէ, այսինքն, նա այլևս երեւակայութեան ծնունդ չէ, այլ գոյութիւն ունի, արիւն ու մարմին է դարձել, աճում ու ծաղկում է: Անգլո-աւստրալիական Վիկտորիա, նոր Հարաւային Վուլլիս և նոր Զելանդիա պետութիւնների մէջ օրէնսդրական ձևով գոյութիւն ունի ութժամեայ բանուորական օր:

Վիկտորիայի պետութեան մէջ, ուր 1856 թ. առաջին անգամ ցոյց եղաւ յօգուտ ութժամեայ օրուայ, այդ օրը ազգային տօն յայտարարուեց: Դա ապրիլի 21-ն է, որը տօնուում է արտակարգ հանդիսաւորութեամբ:

Սակայն մենակ հեռաւոր Աւստրալիան չէ, ուր օրէնքով մտցրուած է ութժամեայ բանուորական օրը. նա գոյութիւն ունի նաև մեզ աւելի մօտիկ Ամերիկայում: Հիւսիսային-Ամերիկայի Միացեալ Նահանգներից շատերը մտցրել են այդ՝ ընդհանրապէս կամ արդիւնաբերութեան մի քանի գիւղերում, իսկ միացեալ պետութեան մէջ, ինչպէս նաև շատ առանձին նահանգներում, բոլոր բանուորները, որոնք ուղղակի կամ անուղղակի կերպով պետական ծառայութեան մէջ են, վայելում են ութժամեայ բանուորական օրուայ բարիքները: Պետութիւնը հարկադրում է իր բանուորներին ծառայել միայն ութ ժամ, և իր պատուէրները տալիս պահանջում է ձեռնարկողներից գործադրել միևնոյն բանուորածամը:

Եւրոպայում, դժբախտաբար, դեռ ևս չը կայ մի

պետութիւն, որը մտցրած լինէր ութժամեայ բանու-  
րական օր. սակայն ութժամեայ օրը այդպէս էլ վա-  
ղուց գոյութիւն ունի և, մանաւանդ, զգալի յառաջա-  
դիմութիւն է արել համաշխարհային բանուորական  
տօնի հաստատումից ի վեր: Անգլիայում՝ արդէն 1840  
թուականին Շէֆֆիլդի պողպատագործարանների բան-  
ուորները շաբաթը 48 ժամ էին աշխատում, իսկ վեր-  
ջին տասն և երկու տարիների ընթացքում մի քառորդ  
միլլիոն անգլիական բանուորներ ստացել են ութժա-  
մեան բանուորական օր, իսկ միւս քառորդ միլլիոն էլ  
ստացել է իննժամեայ կամ ինն ու կէս ժամեայ օր:  
1894 թ. ութժամեայ օր մտցրեց զինուորական նախա-  
բարութիւնը, 1895 թ. փոստային հաստատութիւնը,  
իսկ 1901 թ. ներքին պալատը ընդունեց հանքահան-  
ների աշխատանքը ութ ժամով սահմանափակելու ա-  
ռաջարկը:

Իրանիայում առևտրի սօցիալիստական նախա-  
բար Միլլրանը 1901 թ. ութժամեայ բանուորական օր  
մտցրեց փոստային, հեռագրական և հեռախօսային  
տեսչութիւնների արհեստանոցներում, ի հարկէ, ա-  
ռանց աշխատավարձը պակսեցնելու. ըստ որում, աշ-  
խատանքի արդիւնաւորութիւնը չը պակասեց: Սակայն  
ութժամեայ բանուորական օրը մենք տեսնում ենք ոչ  
միայն որպէս օրէնքից ձանաչուած մի փաստ, մենք  
գտնում ենք նրան ոչ միայն պետական ձեռնարկու-  
թիւնների մէջ, այլև աւստրալիական, ամերիկական և  
անգլիական շատ քաղաքների ու Ֆրանսիական, հոլ-  
լանդական, դանիական, շվեդական և զուիցերական  
մի քանի քաղաքների քաղաքային ձեռնարկութիւննե-  
րի մէջ՝ ըրոր բանուորների կամ առանձին խմբերի  
համար:

Մինչև անգամ Իուսասանումն էլ մի քանի ողջա-  
միտ ու մարդասէր գործարանատէրերի ձեռքով մըտց-  
րուած է ութժամեայ բանուորական օր:

Եթէ մենք ներկայումս ութժամեայ մարսիմալ  
բանուորական օրուայ պահանջ ենք առաջադրում, արդ-  
այսպիսով, մենք ոչինչ նոր բան չենք պահանջում, այլ  
միայն արդէն եղածի ծաւալումն: Ութժամեայ բան-  
ուորական օր, սակայն, մենք տեսնում ենք ոչ միայն  
արտասահմանում, այլև Գերմանիայում և Աւստրիայում:

Կրակով քաղաքը մտցրել է այդ իր գաղային  
գործարաններում, իսկ գերմանական և աւստրիական  
մի քանի ձեռնարկողներ՝ իրենց գործարաններում: Ա-  
ւելիքն ևս: Աստիճանաւորները, հոգևոր տեսչութեան  
պատկանող անձինք և ուսուցիչները աշխատում են  
օրական ութ ժամ կամ աւելի պակաս և բացի դրա-  
նից, ամբողջ շաբաթներով արձակուրդ են ստանում,  
սակայն նրանց աշխատավարձը ոչ միայն քիչ չէ, այլ  
մինչև իսկ աւելի շատ է բանուորի աշխատավարձից:

Եթէ ութ և վեցժամեայ բանուորական օրը այդ  
մարդկանց համար օրինաւոր բան է համարում, ապա  
աշխատաւորների և աշխատաւորուհիների հաւար այդ  
պէտք է համարել ոչ միայն արդարացի, այլև ան-  
հրաժեշտ, որովհետև, վերջիններիս աշխատանքը աւելի-  
ծանր է և աւելի վատառողջ:

Ո՛չ մի սուրբ գիրք, ոչ մի բարոյական պատուի-  
բան և ոչ մի սօցիալական ուսմունք պարտականու-  
թեան մասին՝ երբէք չէ յայտարարել, որ բանուորը  
աւելի քիչ իրաւունք ունի, քան աստիճանաւորը, ու-  
սուցիչը և բահանան:

Ուստի, մենք պահանջում ենք՝ բանուոր ժողովը-  
ղին ուժասպառ անող և նրա կիանքը կարճող ամե-  
նօրեայ աշխատանքի համար ութժամեայ բանուորա-  
կան ժամանակ:

Մենք արդարութիւն ենք ուզում, որովհետև նա  
միայն բարձրացնում է ժողովրդին:



6. ՈՒԹԺԱՄԵԱՅ ԲԱՆՈՒՈՐԱԿԱՆ ՕՐ ԵՒ ՃԳՆԱԺԱՄԵՐ:

Մենք պահանջում ենք ութժամեայ բանուորական օր՝ գերարտադրութիւնն ու ճգնաժամերը կրճատելու համար:

Մարդկային աշխատանքը, զանազան տեսակ մեքենաների գործադրութեան շնորհիւ, չափազանց արդիւնաշատ դարձաւ: Մի մանող այժմ սելֆակտօրի (ինքնաժան մեքենայ 800-ից մինչև 1000 ճախարակով) միջոցով՝ ամենալաւ մանողունոց հազար անգամ շատ և աւելի լաւ թել կը մանէ: Արդիւնագործութեան միւս ճիւղերը ևս նոյն դրութեան մէջ են: Այսպիսով, ահագին քանակութեամբ ապրանք է արտադրուում, լցուում են բոլոր խանութները, ստացուում է հսկայական գերարտադրութիւն, և, ժամանակ առ ժամանակ, վրայ է հասնում ընդհանուր գործազգագր:

Հասարակութիւնը վնասուում է ապրանքների առատութիւնից. հետեանքը լինում է սնանկութիւն:

Միջին դասակարգի հազարաւոր մարդիկ կորցնում են իրենց հարստութիւնը և պրօլետարների դասն են ընկնում. հարիւրաւոր գործարաններ կանգ են առնում և հազարաւորներն էլ իսկոյն սահմանափակում են արդիւնագործութիւնը. հարիւր հազարաւոր բանուորներ փողոց են շարուում և հրում մուրացկանութեան և ոճրագործութեան գիրկը:

Բանուորաժամի կրճատումով միայն հնարաւոր է քիչ-շատ թուլացնել գերարտադրութիւնը և նրա կորստաբեր հետեանքները: Աշխատանքի պաշտպանութեան օրէնքներով արդէն քայլ է արուած՝ կրճատելու բանուորաժամը, բայց դրան պիտի հետեւն յետագայ աւելի նշանակալից քայլեր, մինչև որ ձեռք կը բերուի ութժամեայ բանուորական օր:

Մենք պահանջում ենք բանուորական ութժամեայ

օր, որպէս զի հնարաւորութիւն ունենանք կանոնաւորելու արդիւնագործութեան ընթացքը, որը մերթ կատաղի առաջ է արշաւում, մերթ մէկէն ի մէկ կանգ առնում: Մենք պահանջում ենք այդ որպէս քիչաքիչ՝ հիւանդի համար, որը բռնուած է կապիտալիստական արտադրութեան շեղմախտով: Տուէ՛ք մեզ այդ:

7. ՈՒԹԺԱՄԵԱՅ ԲԱՆՈՒՈՐԱԿԱՆ ՕՐ, ԱՆԳՈՐԾՈՒԹԻՒՆ, ԱՇԽԱՏԱՎԱՐՁ ԵՒ ԱՇԽԱՏԱՆՔ:

Մենք պահանջում ենք ութժամեայ բանուորական օր՝ անգործութիւնը քչացնելու և ժողովրդի գնդակահան ոյժը աւելացնելու համար:

Բազմաթիւ մեքենաների գործածութիւնը առաջ է բերում անգործութիւն: Հազարաւոր բանուորներ շարունակ անգործ նստած են և դրանով ազդում են գործողների աշխատավարձի վրայ: Ինչպէս անգործները, նոյնպէս և վատ վարձատրուող բանուորները գնդակահան բաւարար ոյժի տէր չեն. մեր սեպհական ժողովուրդը չափազանց քիչ կարող է սպասել և մենք, այդպիսով, ստիպուած ենք մեր արտադրութիւնները առաջարկել ամերիկացիներին, հնդիկներին ու նեգրերին: Եթէ պահասոււմ է բանուորաժամը, ապա բշտում է նաև անգործների բանակը, որովհետև ապրանքների միեւնոյն քանակութիւնը արտադրելու համար անհրաժեշտ է մարդկանց աւելի մեծ թիւ:

Որպիսի՞ հետեանք է ստացուում:

Գնողների բանակը մեծանում է, և նրանց սպասողական ընդունակութիւնը աւելանում է: Մեծ քանակութիւն կարող է ծախուել իրեն երկրի մէջ ու փոքր մասը՝ արտահանուել: Այդ վերաբերում է բոլոր մթերքներին, գլխաւորապէս, գիւղատնտեսական արդիւնագործութեան մթերքներին: Այսպիսով, իրենք գործարա-

նատէրերը և նամանաւանդ զիւղտանտեմնները որպէս վաճառողներ, ութժամեայ բանուորական օր մտցնելու մէջ շահ ունենն:

Իսկ որովհետև անգործներէ թիւը քջանում է, ուստի և բանուորական ոյժի զինը բարձրանում է, աշխատավարձը աւելանում է:

Շատ բանուորներ դեռ ևս հաւատում են հետևեալ դրութեան ճշմարտութեանը—երկար բանուորաժամ՝ բարձր աշխատավարձ. կարճ բանուորաժամ՝ ցածր աշխատավարձ:

Մինչդեռ ճիշտը՝ հակառակն է.—կարճ բանուորաժամ՝ բարձր աշխատավարձ. երկար բանուորաժամ՝ ցածր աշխատավարձ:

Գիտութիւնը և փորձը հաստատում են այս դրութիւնը: Այն բոլոր երկրներում, ուր բանուորաժամը կարճ է, աշխատավարձը բարձր է. իսկ այն բոլոր երկրներում, ուր բանուորաժամը երկար է, աշխատավարձը ցածր է:

Աւստրալիայի բանուորները օրէնքով որոշուած՝ իրենց ութժամեայ բանուորական օրով՝ ամենաբարձր աշխատավարձն են ստանում և այդ պատճառով էլ կարողացան ամենակարճ միջոցում 200,000 մարկի օգնութիւն ցոյց տալ Լօնդօնի նաւաշինարանների բանուորներէ զործադուլին:

Բարձր աշխատանքը մի բարիք է ամբողջ ժողովրդի տնտեսութեան համար և միևնոյն ժամանակ փնաս չէ հասցնում գործարանատէրերին, որովհետև իւրաքանչիւր բանուոր միաժամանակ և ապրանք զնող է, ինչպէս իւրաքանչիւր գործարանատէր՝ ապրանք վաճառող է:

Միայն կարճատես եսականութիւնն է բարձր աշխատավարձի մէջ վտանգ տեսնում՝ սօցիալական տընտեսութեան համար:

Իսկ ութ ժամ գործող բանուորը ոչ միայն բարձր

աշխատավարձ է ստանում, այլ և ամենից շատ է արտադրում:

Այդ ինչպէս կարելի է:

Շատ պարզ: Լաւ կերակրուող, բաւարար հանգիստ վայելող մարդը ութ ժամուայ ընթացքում արտադրում է աւելի և լաւ, քան վատ սնուող, բեղարած մարդը՝ տասն և մէկ ու աւելի ժամերի ընթացքում:

Ութ ժամից աւել տևող բանուորական ժամանակի աշխատանքի տուած արդիւնքը հակառակ յարաբերական է բանուորական ժամանակին. 12 ժամուայ բանուորական օրուայ ընթացքում արտադրում է աւելի քիչ և վատ տեսակի ապրանք, քան այն, ինչ արտադրում է 11 ժամուայ ընթացքում, և այսպէս շարունակ մինչև ութժամեայ բանուորական օրը:

Եւ այսպէս ուրեմն, բանուորներ, որքան երկար է բանուորաժամը, այնքան աւելի վատթար է աշխատավարձը, այնքան քիչ և վատ է աշխատանքի հետևանքը:

8. ՈՒԹԺԱՄԵԱՅ ԲԱՆՈՒՈՐԱԿԱՆ ՕՐ, ԸՆՏԱՆԻՔ ԵՒ ԴԱՍՏԻԱՐԱԿՈՒԹԻՒՆ:

Մենք պահանջում ենք ութժամեայ բանուորական օր՝ ընտանեկան կեանքը վերականգնելու և բարձրացնելու համար:

Սօցիալ-դեմօկրատներին յանդիմանում էին, թէ նրանք կամենում են քայքայել ընտանիքը: Այդ կասկածը միանգամայն անհեթեթ է: Ընտանիքը նրանց ձեռքով չէ կարող քայքայուել ձէնց այն հասարակ պատճառով, որ նա արդէն աւերուած է ինդուստրիալիզմի (խոշոր արդիւնագործութիւն) և կապիտալիզմի միջոցով: Ընտանիքը այն ձեռով, որպէս նա գոյութիւն ունէր հարիւր տարի սրանից սռաջ, այլևս գոյութիւն

չունի, որովհետև արդիւնաբերութեան դարգացումը խոր-  
տակել է նրա տնտեսական հիմքերը: Այն ժամանակները  
մենք դեռևս ոչ մի գործարան չունէինք, խոշոր արդիւ-  
նագործութիւն զրեթէ չը կար: Ընտանիքը դեռևս միա-  
տեղ աշխատում էր արհեստաւորական կամ մանր ար-  
դիւնաբերական արդիւնագործութեան մէջ: Ընտանիքը  
այն ժամանակ դեռևս գոյութիւն ունէր:

Իսկ այսօր,—հայրը աշխատում է մէկ գործարա-  
նում, մայրը՝ միւս, երեխաները՝ երրորդ գործարանում:  
կամ թէ ամենայրամար դէպքում, հայրը աշխատում է  
առաջին գործարանում, մայրը՝ երկրորդ, երեխաները՝  
միևնոյն գործարանի երրորդ յարկում: Յաճախ պատու-  
հում է, որ կամ հայրը, կամ երեխաները, ոչ սակաւ  
անգամ և մայրը, գործարանից շատ հեռու են ապրում,  
այնպէս որ ծնողները և երեխաները ամբողջ օրերով և  
մինչև իսկ շաբաթներով կտրուած են միմիանցից:

Ընտանիքը մտտերի է բաժանուած:

Միմիայն ութժամեայ բանուորական օրը կարող է  
նորից միացնել նրանց:

Աշխատող կանանց համար ութժամեայ բանուոր-  
ական օրը դերագոյն բարիք կը լինէր: Բանուորուհին  
սարուկ է ոչ միայն գործարանում, այլև տանը, և նրա  
դրութիւնը հին սարուկուհու դրութիւնից վատթար է:  
Տասն և մէկ ժամեայ գործարանային աշխատանքից յետ-  
ոյ, տանը նրան սպասում է երեք կամ հինգ ժամուայ  
աշխատանք ևս: Չէ՞ որ նա պէտք է եփէ, լուսնայ,  
մաքրէ ու կարկատէ: Ժամանակի սղութեան պատճա-  
ռով այդ ամենը կամ չէ կատարում բոլորովին, կամ  
վատ է կատարում, և դրանից կրկին խորապէս փաս-  
տում է ընտանեկան կեանքը:

Ընտանեկան կեանքը բարձրացնելու համար, մենք  
պահանջում ենք ութժամեայ բանուորական օր, մենք  
պահանջում ենք այդ՝ ամենից առաջ բանուորուհիներին  
համար:



Ութժամեայ բանուորական օրը կարող է մի կրկու ժամով կը վերադարձնէր նրանք հնարաւորութիւն կունենան սիրելիներին, իրենց երեխաներին և նրանց դաստիարակութեան գործին: Երկայուն շատ ճաղարաւոր երեխաներ գուրկ են ծնողական սիրուց ու խնամքից, նրանք ճակատագրի կամքին են թողնուած, նրանք սիջանում են և հոգով ու մարմնով կորչում:

Օգնութեան հասէք, ընտանիքի և երեխաների բարեկամներ:

Ահա մի բարի գործ՝ յօգուտ ժողովրդի: Խորհող ու մաքաւող բանուորների հետ միասին պահանջեցէք ութժամայ բանուորական օր, որովհետև նա կրկին ամբացնում է ընտանիքի կապերը և միջոց է տալիս աւելի բաւ դաստիարակել աղաղակ սերունդը:

5001  
11691

Գ. ՌԻԹՎԱՄԵՆՅ ԲԱՆՈՒՐԱԿԱՆ ՕՐ, ԺՈՂՈՎՐԴԱԿԱՆ ԿՐԹՈՒԹԻՒՆ ՌԻ ԲԱՐՈՅԱԿԱՆ ՌԻԹԻՒՆ:

Ժողովրդական լուսաւորութիւնը՝ նրա ազատու-  
թիւնն է:

Տգիտութիւնը ստրկութիւն է:  
Գիտութիւնը՝ ոյժ:

Այդ դրութիւնները ցոյց են տալիս ժողովրդա-  
կան լուսաւորութեան արժէքը:

Ժողովրդական կրթութեան գործը ինչո՞ւ այժմ  
այնքան վատ է գնում, չը նայած գիտութեան ու գե-  
ղարուեստի բոլոր յառաջադիմութեան:

Որովհետև ժողովուրդը հեծում է ստրկական աշ-  
խատանքի ծանրութեան տակ և զիւղարուեստով ու գի-  
տութեամբ զբաղուելու ոչ ժամանակ ունի, ոչ ոյժ, ոչ  
էլ միջոց: Իսկ ժամանակ ունենալ, նշանակում է ունե-  
նալ նաև ոյժ ու միջոց:

Ո՞վ է կարգում ու հասկանում մեր կլասիկներին: Յամենայն դէպս—նչ ժողովուրդը:

Ո՞վ է զուարճանում գեղարուեստի արտադրութիւններով: Ո՞չ ժողովուրդը:

Այստեղից է ծագում գեղարուեստի և գրականութեան ողբալի ամլութիւնը: Նրանց երկուսին էլ պակասում է անուցանող հողը: Մենք ունենք ունեւոր գասակարգերի գրականութիւն, բայց ժողովրդական գրականութիւն չունենք. մենք ունենք ձանձրանող հարուստների գրականութիւն, բայց մաքառող բանուոր ժողովրդի գրականութիւն չունենք. մենք ունենք նորրձազակ սեթեթ գեղարուեստ, բայց առողջ գեղեցկութեան գեղարուեստ չունենք:

Գրականութիւնն ու գեղարուեստը աճում են հարուստների ջերմարաններում, այլ ոչ ճողովրդական, ազատ, ընդարձակ պարտիզում:

Ազատ ժամանակ տանք ժողովրդին, և նա կը զարգարէ իր կեանքը գիտութեամբ ու գեղարուեստով: Գրականութիւնն ու գեղարուեստը նորից կը ծաղկեն:

Մենք ժողովրդի համար ազատ ժամանակ ենք պահանջում, կեանքի հոգեկան և գեղասիրական քաղցրութիւնները վայելելու համար:

Մենք, այնուհետև, ժողովրդի համար ազատ ժամանակ ենք պահանջում՝ բարոյական կատարելագործման նպատակով:

Միայն ազատ մարդը կարող է բարոյական լինել, անազատը—ոչ:

Իսկ մարդը ազատ է միայն այնչափ, որչափ նա ինքն իրեն է պատկանում: Իրենց ժամանակի ամենալաւ մարդիկ՝ բարոյական կատարելագործման համար գէպի միայնութեան էին քաշուում, իրենք իրենց մէջ էին խորասուզում:

Մենք չենք կարող և չենք կամենում ձգտել դէպի միայնութիւն, բայց մենք կամենում ենք ժամանակ

ունենալ, որպէսզի կենտրոնանանք մեր մէջ ոչ միայն կիւրակի օրը, այլ և ամեն օր:

Շահագործութեան սահմանափակում, շահի հետապնդման սահմանափակումն և զոյութեան կոռւի կըրճատում,—ահա բարոյականութիւնը բարձրացնելու հիմնական պայմանները:

Բանուորական օրը կը ճատելով մինչև ութ ժամը՝ շահագործման առաջը կ'առնուի. շահի յետևից վազողին սահման ցոյց կը տրուի, և կը մեղմուի գոյութեան սարսափելի կռիւը:

Ութ ժամեայ բանուորական օրը իր մէջ պարունակում է ազնուացնող մեծ սյժ և բարձր՝ կրօնական նշանակութիւն, նման կիւրակիին:

Ինչ էլ որ լինի, մենք պահանջում ենք այդ:

10. ՈՒԹԺԱՄԵԱՅ ԲԱՆՈՒՐԱԿԱՆ ՕՐ ԵՒ ԺՈՂՈՎՐԻԱԿԱՆ ԱՌՈՂՋՈՒԹԻՒՆ:

Քաղաքակիրթ մարդկութիւնը ոչնչացրեց նախնի ստրկութիւնը, բայց ստեղծեց նոր՝ վարձկան ստրկութիւն, և այդ՝ մի տեսակէտով մինչև անգամ աւելի վատ է նախնի ստրկութիւնից: Ստրուկը գործիք ու բեռնակիր կենդանի էր իր տիրոջ համար, և վերջինս նրա ֆիզիքական բարօրութեան մէջ շահ ունէր: Ուրիշ բան է գործարանատէրը և աշխատանք տուողը: Նրանք այդ շահը չունեն. բանուորը գործի անընդունակ է դառնում,—նա հեշտութեամբ նրան փոխարինում է ուրիշով: Չէ՞ որ մի անպէտքացած բանուորի տեղ կարելի է տանակալ թարմ բանուորներ գտնել:

Գործարանատէրերը, հետևապէս, ամենևին շահագրգռուած չեն ժողովրդի բարօրութեան խնդրով, բայց պետութիւնը—մարդկային հասարակութեան մի համարաշիւ միութիւն—շահագրգռուած է: Ժողովրդի բոլոր

անգամներ թիւնը շահ է ընդհանուրի համար իւրաքանչիւր առանձին անհատի հիւանդութիւնը՝ վրնասա: Համաճարակ հիւանդութիւնների ժամանակ եզակի հիւանդն անգամ վտանգաւոր է ընդհանուրի համար:

Այդ իսկ պատճառով վերջին 50 տարուայ ընթացքում ծաղկել է նոր բարերար գիտութիւնը—առողջապահութիւնը, մասնաւոր և հասարակական: Նրա ձգտումները աւելի և աւելի ուղղոււմ են առ այն, որպէս գի նախօրօք իմաց տան ցաւն ու հիւանդութիւնը:

Բերանացի ու գրաւոր հրահանգներ են տարածոււմ առողջապահութեան մասին և թէ ինչպէս նախազգուշանան հիւանդութիւններից, գասախօսութիւններ են կարգացոււմ խելացի սննդաւորութեան մասին, կերակուրների ընտրութեան ու պատրաստման մասին, հիմնոււմ են հասարակական բաղնիսներ, հանգստութեան ու խողերի տեղեր:

Պետութիւնը և համայնքը հսկում են տների, փողոցների, շրերի և օդի մաքրութեան վրայ: Օրէնսդրութիւնը և իշխանութիւնները հոգ են տանոււմ, որ հագուստը և կերակուրը, բնակարանները և արհեստանոցները, գործարանները և երկաթուղային ճանապարհները փաստակար չը լինեն առողջութեան և չը ծնեն հիւանդութիւններ:

Ո՛րպիսի հսկայական յառաջադիմութիւն:

Բայց հասարակական բաղնիսներից ու այլ տեղերից ի՞նչ օգուտ բանուոր ժողովրդին, երբ նա այդ տեղերը յաճախելու ժամանակ չունի:

Ի՞նչը կարող է աւելի քայքայել առողջութիւնը և հիւանդութիւններ ծնել, քան ջնջին աշխատավարձի հետ կապուած՝ չափազանց երկար բանուորական ժամանակը:

Առողջապահութիւնը հիմնոււմ է բնախօսութեան վրայ: Իսկ ի՞նչ է բնախօսութիւնը կեանքի օրէնքների և երկոյթների մասին:

Ահա թէ ինչ, մարտողութեան կանոնաւոր գործողութիւնները ամեն օր վեց ժամ են պահանջոււմ, աշխատանքը չը պէտք է խանգարէ մարտողութեան, որ մարդը առողջ մնայ: Այսպիսով, պարտադիր աշխատանքի համար մնոււմ է միայն ութ ժամ, եթէ չուզենք, որ մարդը բանուոր կենդանի դառնայ:

Իսկ սամկալարական հիմնարկութիւններ ունեցող ժամանակակից պետութեան՝ կենդանիներ պէտք չեն հարկաւոր են կրթուած, մտածող քաղաքացիներ:

Եւ եթէ պետութիւնը կամենոււմ է ունենալ այդպիսի քաղաքացիներ,—իսկ նա պիտի ցանկանայ այդ իր բարօրութեան համար,—ապա նա օրէնքի մէջ պիտի մտցնէ ութ ժամեայ բանուորական օրը:

11. ՌԻԹԺԱՄԵԱՅ ԲԱՆՈՒՈՐԱԿԱՆ ՕՐ ԵՒ ԲԱՆ-ԻՈՐՆԵՐԻ ԿԱԶՄԱԿԵՐՊՈՒԹԻՒՆ:

Գերմանական դեմօկրատիայի հին պարագլուխ Իօհան Եակոբին 1870 թ. իրեն ընտրողների առաջ արտասանեց հետեւեալ նշանաւոր խօսքերը:

«Բանուորական մի ամենաջնչին ընկերութեան հիմնումը՝ քաղաքակրթութեան ապագայ պատմագրի աչքում աւելի գին պիտի ունենայ, քան Սաղօվի ճակատամարտի օրը»:

Մեծ մտքի այդ հրաբորբոք խօսքերը արդեն ճշտուել են, որովհետեւ բանուորների հակասակորդներն անգամ խոստովանոււմ են բանուորական կազմակերպութիւնների քաղաքակրթական գործի խոշոր նշանակութիւնը: Եւ թէ և վերջին քսան տարուայ ընթացքում այդ քաղաքակրթական աշխատանքը չափազանց լայնացել ու խորացել է, այնուամենայնիւ, ժողովրդական մեծ մասսաներ առայժմ անձեռնմուխ են մնացել այն պատճառով, որ բանուորական կազմակերպու-

թիւնը դեռ չէ հասել նրանց: Երկար բանուորածամն է ամենազլխաւոր արգելքը, որ բանուոր ժողովուրդը չէ կազմակերպուում ու հիմնում կրթական, համաքարական (սյուֆէէիօնալ), կուսակցական համախրուսներ, սպառողական ընկերութիւններ և այլ տեսակ ընկերակցութիւններ: Որպէս զի կազմակերպելու միջոցով՝ ժողովրդի կրթական և ազատագրական գործը մեծ յաջողութիւն ունենայ և խոշոր ու գերազանց պտուղներ աայ, անհրաժեշտ է թօթափել ժողովրդի ստրկական կապանքները—անհրաժեշտ է տալ նրան ութժամեայ բանուորական օր:

Մենք ապրում ենք մի պետութեան մէջ, ուր ժողովուրդը հասարակական բարօրութեան վերաբերեալ հարցեր քննելու մասնակցութիւն է ձեռք բերել: Մենք ունենք գեմօկրատական ձեռ կառավարութիւն \*):

Բայց քաղաքացին՝ զիտակցաբար և արժանաւոր կերպով ի՞նչպէս օգտուի իր իրաւունքներից, երբ նա ժամանակ չունի ուսումնասիրելու՝ օրէնսդրական և պետական ու հանրային տնտեսութեան հարցերը, երբ նրանց մասին պարզ աշխարհայեացք մշակելու անզամ ժամանակ չը կայ:

Ժողովուրդը իր իրաւունքներից հարկաւոր չափով օգտուելու բաւարար ժամանակ չունի:

12. ՌԻԹԺԱՄԵԱՅ ԲԱՆՈՒՈՐԱԿԱՆ ՕՐ, ՌԱՄԿԱ-ՎԱՐՈՒԹԻՒՆ ԵՒ ՀԱՅՐԵՆԻՒՐ:

Գործարանում տասն և մէկ ժամ կանգնող բանուորը, 11—12 ժամ չարչարող արհեստաւորը, շտեմա-

\*) Հեղինակի խօսքը Գերմանիայի մասին է. մենք, զբժրախտաբար, նոյն իսկ այդ իրաւունքներից էլ զրկուած ենք: Ման. թարգմ.

բանում ու դաշտում 12—15 ժամ տանջող՝ պարտքի տակ ընկած գիւղացին, — ամենքն էլ ոյժ չեն ունենում գործից յետ դեռ ևս զրքեր և այլ օրէնքներ կարգալ ու լաւ խորհել, կշռագատել կարգացածը:

Գալիս է ընտրութիւնների օրը. նրանք մնում են տանը, իսկ եթէ օգտուում են իրենց իրաւունքներից, այն էլ կուրօրէն հպատակուելով դիպուածին կամ ոււտինային:

Մրա մէջ է կայանում պետութեան համար վըտանգաւոր քաղաքական անտարբերութեան պատճառը:

Արիստոտէլի կարծիքով «սարուկութիւնը անհրաժեշտ է, որ ազատ քաղաքացիները կարողանան իրենց նուիրել պետական գործերին»:

Աշխատենք չը մոռանալ յունական իմաստունի այս խօսքերը: Արդեօք դա չէ նշանակում, որ առաջ ազատ ժամանակի ժողովրդի համար չը կայ ուսմիավարութիւն, չը կա ժողովրդական իշխանութիւն:

Յանուն աւմիկավարութեան և նրա սուրբ գործի՝ ժողովրդի համար ազատ ժամանակ ենք պահանջում, մենք ութժամեայ բանուորական օր ենք պահանջում:

Վերջապէս, ութժամեայ օրը մենք պահանջում ենք բարձրացնելու համար ժողովրդական ոյժը, որը հայրենիքի յառաջադիմութեան և անկախութեան իսկական գրաւականն է:

Մեր նախնիքների—նախնի գերմանացիների—հերոսական ոյժը դրուատում են: Այն, բայց այդ հերոսական ոյժը չէ զարգացել խաւար հանքավիհերում ու հեղձուկ գործարաններում 11—12 ժամեայ աշխատանքի տակ:

Մեզ մատնացոյց են անում յոյների վրայ, որպէս ֆիդիքական ոյժի և գեղեցկութեան տիպարի: Ժիշտ է, սակայն, յոյները երբէք չէին աշխատում, նրանք գործը թողնում էին իրենց սարուկներին, իսկ իրենք նուիր-

ևում էին մարմնամարդութեան: Այսպիսով, նրանք զար-  
ձան աջն, ինչ որ էին:

Ինդուստրիալիզմը և կապատալիզմը մեծ ֆլուս  
հասցրին ժողովրդական ոյժին. այդ ցոյց է տալիս, ի մի-  
ջի այլոց, զինուորակազույթ իւր: Բանուոր ժողովուրդը  
գործարանական աշխատանքի և վատ սննդատուութեան  
պատճառով մանրացել է: Ամբողջ հազարներ անընդու-  
նակ են դուրս գալիս՝ հայրենիքի պաշտպաններ լինե-  
լու համար: Նրանց պակասում է ուղեղ՝ ոսկրներում,  
արիւն՝ սրտերում և օդ՝ կրծքերում:

Որպէսզի վտանգի բուկէներին հայրենիքին չը  
պակսին քաջ մարտնչողներ, մենք պարտաւոր ենք նո-  
րից կազդուրել ժողովրդի ոյժը՝ ութժամեայ բանուորա-  
կան օրուայ միջոցով:

Ութժամեայ բանուորական օրուայ մեր պահանջը  
հայրենասիրական է, այդ խօսքի գերագոյն նշանակու-  
թեամբ: Այն ժողովուրդը, որը առաջինը կը կատարէ  
այդ պահանջը, ազգերի տնտեսական խաղաղ ժրջման  
մէջ ամենատուժեղը կը հանդիսանայ, նա նոյնպէս ա-  
մենից ուժեղը կը լինի, երբ նրա առաջ դրուած կը  
լինի իր պատիւը, իր իրաւունքը, իր երկիրը և իր ա-  
զատութիւնը պաշտպանելու խնդիրը:



Дозволено Цензурою 28 Марта 1906 г. г. Тифлисъ.

ԹԻՖԼԻՉ

Հրատարակողը հարան „ՀԵՐՄԻՍ“ Ընկ. Մազար. փող., 15.  
1906. (159)



Լոյս տեսաւ «Կեանք»-ի Գրազարանից

1. ՎՕԴՕՎՕԶՕՎ.—Ընդհանուր ընտրողական իրաւունքը Արեւմտքում. թարգմ. Կ. Միքայէլ-հանցի. գինը՝ 10 կ.

- \_\_\_\_\_.
- \_\_\_\_\_.
3. ԶէՅԴէԼ.—Նօրմալ բանուորական օր, թարգ. Մ. Եսայեանի. գինը՝ 5 կ.

Տպագրում և շուտով լոյս կը տեսնէ

4. ԿԱՌԻՅԿԻ—Աւստրիայի ճգնաժամը (Լեզու և ազգ):

Թարգմանուած և տպագրութեան համար պատրաստուած են.

1. ԿԱՌԻՅԿԻ.—Էրֆուրտի ծրագիրը:

2. Կ. ՄԱՐՔՍ և Ֆ. ԷՆԳԵԼՍ.—Կօմմունիստական Մանիֆեստը:

3. ԳԵԴ.—Կօլլեկտիվիզմ:

4. ԼԻԲԿՆԵՍ.—Մեր նպատակները:

5. ԲԱԴԻՆ.—Պետական կազմը և քաղաքական կուսակցութիւնները:

6. Ն. ՏԵՕՄՆԻ.—Սուզարկութիւն:

7. Ի. ՇՏԷՐՆ.—Յաւելիալ արժէքի թեօրիան:

8. ԲԷԲԷԼ.—Քրիստոնէութիւն և սօցիալիզմ: